



CHIESA EVANGELICA RIFORMATA
GRIGIONESE
BASELGIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
HOMEPAGE www.graubuenden-reformiert.ch

Publicaziun nr. 676

Primavaira 2019

Il Cussegl da la baselgia evangelica preschenta a las suprastanzas da las plaivs ed als Colloquis las suandantas tractandas ed infurmaziuns per discussiun ed orientaziun.

Cuntegn

I. Consultaziun	4
1. Lescha da persunal	4
2. Lescha davart las regions ecclesiasticas	4
II. Communicaziuns/retschertgas dal Cussegl da baselgia	5
3. Realisaziun da la revisiun da la constituziun	5
4. Furmar las regions ecclesiasticas	6
5. Examinaziun ed approbaziun da tut ils contracts da lavur	7
6. Recumandaziun d'elecziun per la cumissiun ÖME/EMS	7
7. Concept Palliative Care 2016-2018: Rapport final	8
III. Rapports colloquials	9
8. <i>Furmar raspada</i>	9
9. Rapport dals provisurs/da las provisuras	9
10. Conceder e renovar lubientschas a predicaturs laics	10
11. Rapport da predicaturas e predicaturs laics	11
12. Visitaziun dals archivs	11
13. Lavur da diaspora	12
14. Organisaziun da l'instrucziun da religiun 2019/2020	12
15. Propostas, impuls e dumondas	13
IV. Infurmaziuns diversas	14
16. Resumaziun dals resultats dals colloquis d'atun	14
17. Arranschaments colloquials	15
18. Giubileums	18
19. Chalender da las collectas 2019	19
20. Proceder tar uffizis vacants da plevons/plevonessas	19
21. Sinoda a Poschiavo	19
22. Sesidas dal Cussegl grond da la baselgia evangelica 2019	20
23. Sesidas dal Cussegl da baselgia 2019	20

24. Termins dals Colloquis da primavera 2019	20
25. Termins dals colloquis d'atun 2019	21
26. Inoltrar ils protocols dals Colloquis	21
Annexas (adressas)	23

I. Consultaziun

1. Lescha da persunal

Il Cussegl da baselgia supplitgescha ils Colloquis da tractandar a chaschun da lur radunanza da primavaira la lescha da persunal e da deliberar lur posiziun latiers.

Il zercladur vegn la Sinoda a pudair s'exprimer davart il sboz dal Cussegl da baselgia. Finamira èsi ch'il Cussegl grond evangelic possa tractar la proposta quest atun e sche pussaivel approbar ella.

2. Lescha davart las regiuns ecclesiasticas

Il Cussegl da baselgia supplitgescha ils Colloquis da tractandar a chaschun da lur radunanza da primavaira la lescha davart las regiuns ecclesiasticas e da deliberar lur posiziun latiers.

Il zercladur vegn la Sinoda a pudair s'exprimer tar la proposta dal Cussegl da baselgia. Finamira èsi ch'il Cussegl grond evangelic possa tractar la proposta quest atun e sche pusseivel approbar ella.

II. Communicaziuns/retschertgas dal Cussegl da baselgia

3. Realisaziun da la revisiun da la constituziun

Ils 10 da zercladur 2018 han votantas e votants da la Baselia chantunala evangelica reformada acceptà cun gronda maiortad la nova constituziun. Quella entra en vigur ils 1 da schaner 2019. Era sch'ils commembers en las plaivs na vegnan l'emprim anc strusch a sentir, sa midan baintant insaquantas chaussas:

- Las disposiziuns davart la surveglianza, respectiv l'agir tar conflicts, vegnan applitgadas directamain.
- Las diversas incumbensas dal Cussegl da baselgia en connex cun lubir l'execuziun dals pensums da l'uffizi da pravenda surpren il Decanat.
- En sia sesida d'atun ha il Cussegl grond evangelic già resguardà la nova cumposiziun da la cumissiun da recurs.

Autras novaziuns dovràn dapli temp, uschia p. ex. la pussaivladad da far excepziuns tar il principi da prender domicil. Quellas novaziuns pon ins resguardar pir sche las disposiziuns legalas èn dadas.

A chaschun d'ina sesida concentrada ha il Cussegl da baselgia prendì notizia d'ina analisa pertutgant il basegns d'agir e da s'adattar. D'ina vart han ins analisà la constituziun, da l'autra l'urden legal vertent. Da quai sa resulta che numerus decrets ston vegnir adattads da lur cuntegn e/u furma. Damai che las resursas da personal èn limitadas vegn quai realisà en etapas. L'avantatg è ch'ins po uschia tegnair en cunfins la chargia da lavur, quai per las regiuns ecclesiasticas cun consultaziuns

e per il Cussegl grond evangelic cun la discussiun en il gremi. Il Cussegl da baselgia vegn a metter prioritads e lantschar proximamain las emprimas adattaziuns materialas.

4. Furmar las regions ecclesiasticas

Al Cussegl da baselgia stà spezialmain a cor da furmar – betg sulet pervi dal termin inditgà en la constituziun da baselgia – uschè svelt sco pussaivel regions ecclesiasticas adequatas e confurmas a l'intent. Cun treis occurrenzas d'infurmaziun il schaner 2019 avain nus communitgà ils detagls cun remartgas concretas e purschidas d'agid a las persunas interessadas en ils Colloquis e plaivs.

En il senn d'ina finanziaziun iniciala e da project ha il Cussegl da baselgia concludì da pajar als Colloquis l'onn 2019 supplementarmain ina summa da mintgamai 2000 francs. Cun questa contribuziun vul el gidar a cuvrir ils custs per la lavur supplementara ch'ils commembers da la suprastanza e/u la radunanza dal Colloqui ston prestar. Plinavant metta la Baselia chantunala a disposiziun ina finanziaziun da project per il support extern da stgaffir regions ecclesiasticas. L'offerta da la Baselia chantunala distingua quater stgalims pussaivels, davent da la cussegliaziun punctuala enfin tar il sustegn cumplessiv d'in process pli grond. La contribuziun da project vegn pajada be per custs effectivs che sa resultan ed è maximalmain 5000 francs per mintga region ecclesiastica.

Damai ch'i sa tracta d'incumbensas che las plaivs han da prestar en connex cun lur incaricas regionalas, va la finanziaziun dal «manaschi» da las futuras regions ecclesiasticas sur las plaivs. Igl n'è dentant anc betg decidì sche las contribuziuns annualas d'enfin quà 2000 francs per mintga Colloqui

vegnan pajadas vinavant – cun probabilitad senza intent prescrit.

5. Examinaziun ed approvaziun da tut ils contracts da lavur

La nova constituziun definescha ch'il Cussegl da baselgia ha da lubir tut ils contracts da lavur (art. 47, alinea 10+11). Sco enfin quà pertutga quai ils contracts da lavur da las plevonessas e dals plevons. Da nov dentant er quels da tut ils emploiads da las plaivs (e regiuns ecclesiasticas). Per che quai possa vegnir fatg uschè nuncumplitgà sco pussaivel supplitgescha il Cussegl da baselgia da trametter ils contracts da lavur anticipadamain ordavant per laschar examinar els. Cun quest proceder è l'approvaziun dal contract suttascrit be pli ina formalitad. Plinavant supplitgain nus las plaivs d'utilisar ils musters existents che cuntegnan gia las reglaziuns dal dretg da la Baselia chantunala. Ils musters pon ins retrair tar l'actuar (guarda adressa en l'annexa).

6. Recumandaziun d'elecziun per la cumissiun ÖME/EMS

Damai che plevonessa Gabriele Palm ha demissiunà, sto vegnir fatga ina elecziun substitutiva per la cumissiun ÖME/EMS. Il Cussegl da baselgia supplitgescha ils Colloquis da nominar candidatas u candidats adattad(a)s per la cumissiun dal sector ecumena, missiun e svilup.

Las propostas d'elecziun cun num ed adressa exacta èn d'inditgar el protocol colloquial.

7. Concept Palliative Care 2016-2018: Rapport final

En la publicaziun nr. 670 da la primavaira 2016 avain nus preschentà il concept da trais onns davart la rait da Palliative Care. La finamira da quel è stada: «Entaifer ils onns 2016-18 sa collian ils Colloquis en il sector da la tgira palliativa en l'intern ed eventualmain intercolloquialmain. Finamira da la colliaziun èsi che l'integraziun dal persunal da pastoraziun en ils teams da tractament da la Palliative Care funcziunia en il mintgadi, e quai uschè bain en il sector ambulat sco er staziunar.» Per quest intent metta il Cussegl da baselgia a disposiziun totalmain 150'000 francs.

Il project è terminà ed ussa suanda ina evaluaziun. Suenter quella decida il Cussegl da baselgia sche Palliative Care duai vegnir integrà spezial- u generalmain (pastoraziun da la plaiv e pastoraziun da funcziun) en ils servetschs da la Baselia chantunala cun la finamira da garantir cussegliaziun, coordinaziun e scolaziun.

Il Cussegl da baselgia supplitgescha ils Colloquis da scriver in rapport final davart lur situaziun en chausa Palliative Care e d'inoltrar quel ensemen cun il protocol. Il rapport sto cuntegnair almain ils suandants puncts:

Revista:

- Cun tge servetschs staziunars (ospitals, chasas da tgira) datti ina collavuraziun ed en tge furma?
- Cun tge servetschs ambulants (spitex, medis da chasa, servetsch da punt, organisaziuns da voluntaris) datti ina collavuraziun ed en tge furma?
- Co funcziuna la collavuraziun cun la baselia catolica?

Perspectivas:

- Tge (ulteriur) basegn d'agir datti en ils Colloquis pertutgand colliaziun e coordinaziun cun ils offeriders da prestaziuns da Palliative Care?
- Tge basegn datti per la Baselgia chantunala da sustegnair la coordinaziun, la cussegliaziun e la scola-ziun?
- Ulteriurs giavischs a la Baselgia chantunala en connex cun Palliative Care.

III. Rapports colloquials

8. *Furmar raspada*

Questa tractanda è nizzaivla per baratar opiniuns tar projects planisads u gia realisads en connex cun *Furmar raspada* entaifer las plaivs dals Colloquis. Finamira èsi da far enconuschents quels projects sur ils cunfins da quellas.

9. Rapport dals provisurs/da las provisuras

Plaivs che han cuntinuà in engaschament provisoric u che han cumenzà in tal, preschantan al Colloqui in rapport a scrit davart il provisurat. Il provisur resp. la provisura scriva quel en furma d'in rapport annual ch'el trametta al Cussegl da baselgia. Lez trametta vinavant quel al Decanat ch'è tenor la constituziun nova respunsabel per ils provisurats (art. 42, alinea 2, cf. 4).

10. Conceder e renovar lubientschas a predicaturs laics

Tenor la nova constitucziun è la concessiun per predicaturs laics attribuì al Decanat (art. 42, alinea 2, cf. 4). Cunquai che las reglaziuns legalas, oravant tut l'ordinaziun 910, n'èn anc betg adattadas, agescha il Decanat tenor la procedura veglia. Il Cussegl da baselgia vegn cunquai a conceder resp. a renovar sco enfin quà a l'entschatta da la stad la(s) lubientscha(s) per predicaturas e predicaturs laics. Quai per motivs organisatorics e per render pli survesaivlas las proceduras.

En la «Ordinaziun davart la legitimaziun al servetsch da plevon u plevonessa en il Grischun» (910) è reglà cun l'artitgel 13 l'applitgaziun da singuls acts uffizials tras betg-teologas/betg-teologs. Cumplettand las determinaziuns da quest artitgel 13 ha il Cussegl da baselgia relaschè il regulativ 910A.

Il Decanat conceda la lubientscha sche la plaiv propona al Colloqui respunsabel in(a) da ses/sias commembers/-as sco predicatura/predicatur, sch'ella ha definì ina mentura u in mentur e sch'il Colloqui concluda en votaziun confidenziala da trametter vinavant la proposta al Cussegl da baselgia. Avant la votaziun ston ils petents u las petentas sa preschentar davant il Colloqui cun in curriculum vitae. La lubientscha dal Decanat vala per quater onns.

Avant che renovar la concessiun per predicatura/predicatur laic ha il Decanat da contactar il Colloqui. Il Decanat dovra latters la posiziun dals Colloquis correspundents remartgada en il protocol colloquial per renovar la lubientscha a la predicatura/al predicatur che suanda quà sut. La renovaziun succeda a l'entschatta da la stad.

Colloqui IX: Alex Schaub, Serneus

Colloqui X: Martha Wellauer, Davos Platz

11. Rapport da predicaturas e predicaturs laics

Tenor artitgel 13, cf. 6, da la «Ordinaziun davart la legitimaziun al servetsch da plevon u plevonessa en il Grischun» (910) surdattan las predicaturas ed ils predicaturs laics al Colloqui respunsabel in rapport da lavur da l'onn 2018/2019.

Il Cussegl da baselgia spetga ils rapports ensemen cun il protocol dal Colloqui e trametta vinavant quels al Decanat (guarda latiers las explicaziuns menziunadas sura). Sche predicaturas u predicaturs returnan lur concessiun, basta ina annotaziun en il protocol.

12. Visitaziun dals archivs

Tar mintga midada da plevon u plevonessa è prevedida ina visitaziun extraordinaria dal sector «uffizi da pravenda» da l'archiv da plaiv. Quella visitaziun exequescha in commember da la cumissiun d'archiv da la Baselia chantunala.

Il Cussegl da baselgia supplitgescha las suprastanzas dals Colloquis d'esser attent ch'ins contacteschia il president da la cumissiun d'archiv, ser Peter Wydler, avant ch'in plevon u ina plevonessa, ina provisura u in provisur, banduna l'uffizi da pravenda (l'adressa guarda en l'annexa). Tenor regulativ 821 surpren la plaiv ils custs da la visitaziun.

13. Lavur da diaspora

Tenor artitgel 8 da la «Ordinaziun davart la commembranza ecclesiastica da concretaivels evangelics en vischnancas politicas senza plaiv evangelica (urden da diaspora)» han ils plevons u las plevonessas da plaivs cun incumbensas da diaspora da preschentar a chaschun da la sesida da primavera in rapport da lur activitad en la diaspora. Ina copia da mintga rapport è da trametter vinavant al Cussegl da baselgia per mauns da la suprastanza da l'Uniun grischuna per l'agid en fatgs ecclesiastic-protestants.

14. Organisaziun da l'instrucziun da religiun 2019/2020

Ils Colloquis coordineschan l'instrucziun da religiun en las plaivs.

Per pudair ademplir lur incumbensa duajan ins infurmar els ad uras d'eventualas difficultads che sa resultan en las plaivs en connex cun respectar las disposiziuns legalas.

Perquai supplitgescha il Cussegl da baselgia ils Colloquis da dumandar a chaschun da las sesidas da primavera lur commembers sch'i detti per l'onn proxim en las plaivs problems en connex cun l'instrucziun da religiun. Las plaivs che annunzian en il Colloqui lur difficultads correspudentas, duajan ins far attent e renviar al post specialisà per pedagogia da religiun da la Baselia chantunala (l'adressa guarda en l'annexa). Da l'autra vart rendan las plaivs attent la manadra dal post specialisà a la situaziun cun las remartgas confurmas en ils protocols colloquials, ella po qua tras contactar ils respunsabels da las plaivs. En vista a l'onn da scola nov pon ins uschia schliar ils problems ad uras.

Il Cussegl da baselgia renda attent che tuttas scolas han da sa tegnair vi da las disposiziuns legalas per l'instrucziun da religiun.

Sche plaivs tschertgan per l'onn da scola nov anc personal per l'instrucziun da religiun, renda il Cussegl da baselgia attent a las pussaivladads da la bursa da plazzas per l'instrucziun da religiun en la pagina d'internet da la Baselia evangelic-refurmada dal Grischun (l'adressa guarda en l'annexa).

15. Propostas, impuls e dumondas

Tenor artitgel 27, cf. 11 da la constituziun da la Baselia evangelic-refurmada dal Grischun po il Colloqui trametter vinavant al Cussegl da baselgia propostas, impuls e dumondas. Quai po succeder sulettamain tras il Colloqui e betg tras singuls colloquials. Il resultat exact da la votaziun è da registrar en il protocol.

Sch'il Cussegl da baselgia recepescha *propostas*, suttametta el quellas a la consultaziun en ils Colloquis e la Sinoda. Suenter suanda la discussiun finala en il Cussegl grond evangelic. Vegnan propostas acceptadas, datti midadas da la lescha. Na recepescha il Cussegl da baselgia betg las propostas, motivescha el quai en ses rapport uffizial.

Sch'il Cussegl da baselgia tracta *impuls e dumondas*, po el prender mesiras e realisar sez quellas en lur senn. Na recepescha il Cussegl da baselgia betg ils impuls e las dumondas, motivescha el quai en ses rapport uffizial.

IV. Infurmaziuns diversas

16. Resumaziun dals resultats dals colloquis d'atun

Scu infurmaziun a tut ils colloquials preschentain nus en quest lieu ina resumaziun da las discussiuns e dals conclus da las tractandas, plinavant da propostas ed impuls ch'il Cussegl da baselgia ha retschavì dals colloquis d'atun.

Il Colloqui IV ha inoltrà la suandanta proposta:

Il Colloqui supplitgescha il Cussegl da baselgia da scrire en la gasetta «reformiert.ch» sut las novitads dal Cussegl da baselgia ina contribuziun davart l'obligaziun d'annunziar las fundaziuns ecclesiasticas en il register da commerci.

Il Cussegl da baselgia ha approvà la proposta. La publicaziun correspundenta è fatga e cumparida en l'ediziun dal december 2018 sut «reformiert.Graubünden» ed en la pagina d'internet da la Baselgia chantunala sut «Aktuelles aus Graubünden» ils 10 da november 2018.

Il Colloqui V ha inoltrà il suandant impuls:

A la Loëstrasse 60 a Cuir duajan ins montar ina tavla pli gronda cun il logo da la Baselgia chantunala e signar l'edifizi scu sedia da la Baselgia evangelic-refurmada dal Grischun.

La preschentaziun grafica da la Baselgia chantunala vegn per il mument revedida. Il giavisch dal Colloqui V è integrà en la planisaziun e vegn realisà probablamain en il decurs da l'onn 2019.

Il Colloqui VI ha inoltrà il suandant impuls:

Il Colloqui animescha il Cussegl da baselgia da definir anc pli clar tge obligaziuns finanzialas ch'ina plaiv ha sch'ella offerescha plazzas da praticums per futuras diaconas e diacons socials.

Igl è grev da far in parairi general tar las obligaziuns finanzialas. Ils custs dependan da differents facturs, per exempel sch'il praticum vegn absolvì en temp cumplain u parzial. Il Cussegl da baselgia ha mess a disposiziun meds finansials tranter auter per in salari da praticum. Johannes Kuoni cusseglia gugent plaivs ch'èn interessadas.

17. Arranschaments colloquials

Colloqui I Sur gl'Uaul

- 07-09-2017: Conferenza pastorala a Flem cun tematicas: sontga tschaina, corrispondenza colloquiala cun posta electronica ed associaziun evangelica da la Foppa
- 07-11-2017: Conferenza pastorala a Favugn, cun dumondas d'installaziun, planisaziun Fiasta ecclesiastica e planisaziun annuala 2018
- 13-02-2018: Conferenza pastorala a Panaduz, cun dumondas colloquialas (collavuraziun regiunala) e sontga tschaina
- 10-05-2018: Fiasta ecclesiastica a Domat/Ems
- 01-06-2018: Conferenza pastorala a Domat (cun tschaina) cun tematicas: avegnir dal Colloqui/regiun, dumber da conferenzas pastoralas, referats introductivs

- 27-08-2018: Excursiun pastorala da Mustér a Trun, incl. senda panoramica e visita da la chaplutta Sogn Benedetg
- 05-09-2018: Conferenza pastorala a Flem, cun preparaziun dal Colloqui (l'entir di), curt input davart l'abiltad da lectura

Colloqui II Schons-Avras-Valragn-Moesa

- Conferenza pastorala il mars 2018, cun barat collegial e cunvegnientschas da termins tranter ils uffizis da pravenda.

Colloqui III Sut gl'Uaul

- 15-11-2017: Conferenza pastorala ad Almens, cun tematica «Betg perder la vista per l'unitad» – Envista tar cristianas e cristians da l'India sco er situaziun tar la baselgia waldensa en l'Italia
- 21-02-2018: Conferenza pastorala a Cazas, cun tematica: pichet al telefon
- 20-05-2018: Festa colloquiala da Tschinquaisma a Sarn
- 19-09-2018: Conferenza pastorala a Tusaun, cun tematica: resursas per la futura regiun ecclesiastica.

Colloqui IV Cuira

- naginas annunzias

Colloqui V Segneradi-Tschintgs Vitgs

- 07-02-2018: Conferenza pastorala a Maiavilla, cun discussiun davart la proposta dal CoVI e davart furmas adattadas da l'infurmaziun e da l'engaschi

- 30-05-2018: Conferenza pastorala a Trimmis tar la tematica: nov linguatg e novas furmas d'uraziun cun juvenils
- 14-11-2018: Conferenza pastorala a Fläsch, tar las tematicas: perspectivas per l'onni da Zwingli 2019, occurrenzas planisadas ed occurrenzas communablas.

Colloqui VI Scanvetg-Churwalda

- 20-04-2018: Referat da ser Haiko Behrens, da ses temp sco plevon en ils Stadis Unids
- 05-08-2018: Servetsch divin alpester sin l'alp da vatgas Strassberg, Langwies
- 22-08-2018: Conferenza pastorala da plevonessas e plevons da la Val Scanvetg.

Colloqui VII Engiadin'Ota-Bregaglia-Poschiavo-Surses

- naginas annunzias

Colloqui VIII Engiadina Bassa-Val Müstair

- Dieta da dus dis a Schlinig per plevonessas e plevons, cun tematica: Refurmaziun e dumengia da la Refurmaziun
- Dumengia da Refurmaziun dal Colloqui: Servetsch divin communabel a Ramosch, cun 6 priedis curts, alura gentar
- Preschentaziun da 6 placats da la conferenza pastorala tar tematicas fundamentalas da la Refurmaziun.

Colloqui IX Partenz

- 07-02-2018: Conferenza pastorala tar la tematica «Passaschas difficilas da la bibla»

- 05-03-2018: Dieta d'impuls per personas d'instrucziun speziala «religiun», plevons e plevonessas tar la tematica «RU+»
- 12-09-2018: Conferenza pastorala tar la tematica «battaisem».

Colloqui X Tavau-Alvra

- 27-11-2017: Conferenza pastorala tar las tematicas: revista sin la festa colloquiala da la Refurmaziun e program per l'onn da la Refurmaziun 2019
- 05-03-2018: Conferenza pastorala tar las tematicas: organisaziun da las occurrenzas colloquialas, svilup da «plus x» sco era pratica da battaisem
- 29-08-2018: Conferenza pastorala tar las tematicas: servetsch divin regional a la festa da la Refurmaziun e pertutgand in adiever surregional da la baselgia Frauenkirch.

18. Giubileums

Las suprastanzas dals Colloquis e da las plaivs pon annunziar al Cussegl da baselgia giubileums da lavur (20, 25 u 30 onns da servetsch) d'employiad(a)s ecclesiastic(a)s e collavuratur(a)s voluntari(a)s.

Vus pudais aschuntar las annunzias al protocol colloquial u trametter quellas a scrit sco comunicaziun separada a l'actuar dal Cussegl da baselgia, Peter Wydler (l'adressa guarda en l'annexa). Las giubilaras ed ils giubilaras survegnan, dasper la reconuschienscha tras la plaiv u il Colloqui, in document uffizial dal Cussegl da baselgia. Tgi che lavura pli ditg che 20 onns per ina plaiv e che finescha ussa l'activitad per quella,

pon ins medemamain annunziar, ella u el retschaiva er il document uffizial. Igl è indispensabel d'inditgar il num cumplet e l'adressa da la/dal giubilar(a) scu er sia funcziun e la durada exacta da l'engaschament.

19. Chalender da las collectas 2019

En sia sesida dals 14 da november 2018 ha il Cussegl grond da la baselgia evangelica fixà las collectas per l'onn 2019. Il chalender da las collectas sco er las infurmaziuns detagliadas latiers vesan ins en la pagina d'internet da la Baselia chantunala (adressa en l'annexa).

20. Proceder tar uffizis vacants da plevons/plevonessas

En la pagina d'internet da la Baselia chantunala è a disposiziun in feagl d'informaziun cun recumandaziuns pertutgand il proceder per occupar da nov l'uffizi da plevon u plevonessa (adressa en l'annexa).

21. Sinoda a Poschiavo

La Sinoda 2019 a Poschiavo cumenza gievgia, ils 27 da zercladur e dura enfin glindesdi, ils 1 da fanadur. L'act d'avertura è già la damaun a las 8.00, quai damai ch'igl è tractandadas diversas fatschentas pli grondas sco consultaziuns e la discussiun da rapports da gruppas da lavur.

22. Sesidas dal Cussegl grond da la baselgia evangelica 2019

Mesemna, 05-06-2019 (suentermesdi), Comander

Mesemna, 13-11-2019 (entir di), sala dal cussegl grond

23. Sesidas dal Cussegl da baselgia 2019

Il Cussegl da baselgia s'inscuntra ina giada il mais. Giavischs u propostas a quel duajan ins inoltrar a l'administraziun almain trais emnas avant il termin da la sesida.

Termins da las sesidas 2019: 17 da schaner, 21 da favrer, 14 da mars, 11 d'avrigl, 16 da matg, 6 da zercladur, 4 da fanadur, 22 d'avust, 19 da settember, 24 d'october, 21 da november, 12 da december.

24. Termins dals Colloquis da primavaira 2019

Colloqui I	Sur gl'Uaul	20 da mars
Colloqui II	Schons-Avras-Valrain-Moesa	20 da mars
Colloqui III	Sut gl'Uaul	20 da mars
Colloqui IV	Cuira	12 da mars
Colloqui V	Segneradi-Tschintg Vigts	20 da mars
Colloqui VI	Scanvetg-Churwalda	13 da mars
Colloqui VII	Engiadin'Ota-Bregaglia-Poschiavo-Sursès	20 da mars
Colloqui VIII	Engiadina Bassa-Val Müstair	20 da mars

Colloqui IX	Partenz	3 d'avrigl
Colloqui X	Tavau-Alvra	20 da mars

25. Termins dals colloquis d'atun 2019

Nus supplitgain las actuaras ed ils actuars d'inditgar en il protocol ils termins dals colloquis d'atun.

26. Inoltrar ils protocols dals Colloquis

La sesida dal Cussegl da baselgia cun l'evaluaziun dals protocols dals Colloquis è il matg 2019; la documentaziun respectiva vegn tramessa la fin d'avrigl.


Per che nus possian far l'evaluaziun essan nus engraziaivels sche Vus tramettai il protocol uschè svelt sco pussaivel en furma electronica (datoteca word, betg scannà) a la substituta-actura dal Cussegl da baselgia, **Ursina Hardegger** (addressa en l'annexa).

Ils protocols suttascrits en furma da palpieri inclus las aschuntas tramettai p. pl. enfin ils 15 d'avrigl medemamain a l'actura-substituta.

Preavis: Il davos termin per inoltrar ils protocols dals colloquis d'atun vegn ad esser ils 30 da settember.

Cuir, il december 2018

Cussegl da baselgia evangelic



Andreas Thöny

president



Peter Wydler

actuar

Annexas (adressas)

Actuar dal Cussegl da baselgia

Ser Peter Wydler
Loëstrasse 60
7000 Chur
081 257 11 00
kirchenratsaktuar@gr-ref.ch

Actuara-substituta dal Cussegl da baselgia, cancelliera (Decanat)

Plevonessa Ursina Hardegger
Loëstrasse 60
7000 Chur
081 257 11 00
ursina.hardegger@gr-ref.ch

Post specialisà pedagogia da religiun

Maria Thöni
Loëstrasse 60
7000 Chur
081 257 11 00
maria.thoeni@gr-ref.ch
Kirchliche Mediothek: www.mediogr.ch

Pagina d'internet da la Baselgia chantunala

www.gr-ref.ch
Infurmaziuns e support guarda «Downloads».